

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

~~17~~
132

T 9297.1:00 B



玉海卷第一百六十九

浚儀王應麟伯厚甫

宮室

門闕

釋名闕在門兩旁中央闕然為道也門闕天子號
令賞罰所從出也

舜闕四門

舜典賓于四門四門穆穆注四方之門四方諸侯來
朝者舜賓迎之皆有美德無凶人詢于四岳闕四
門注開闕四方之門未開者廣致眾賢

哈佛大學漢和
圖書館珍藏印

漢武帝制曰虞舜游巖廊之上注晉灼曰堂邊廡巖峻之廊

周五門 九門 法門 三朝 詳見朝儀類

寢門 應門

周禮大宰治朝注在路門外 宰夫同 闔人掌守王

宮之中門之禁注中門於外內為中若今宮闕門鄭

司農云王有五門外曰臯門二曰雉門三曰庫門四

曰應門五曰路門路門一曰畢門康成謂雉門三門

也春秋傳雉門兩觀疏雉門為中門雉門外有臯庫

內有應路於外內為中 王藻疏天子宗廟在雉門之外 畢門者從外

門闕

而入路門為終畢凡諸侯三門曰雉應路詩云云是

也若魯三門則有庫雉路明堂位云云庫門向外兼

畢門雉門向內兼應門則天子五門庫門在雉門外

明矣雉門有兩觀 師氏居虎門之左司王朝注虎

門路寢門也門畫虎以明勇猛 大僕建路鼓于大

寢之門外注大寢路寢也門外則內朝之中如今宮

殿端門下 寢門即路門也 小宗伯建神位右社稷左宗廟

注庫門內雉門外之左右皆夾治朝春秋所云間兩

社 槁人外內朝注內朝路門外之朝也疏天子三

朝 見朝儀 小司寇外朝致萬民而詢注在雉門外

朝士外朝注司農云王有五門同闔人注外朝在

路門外內朝在路門內康成謂明堂位說魯公宮曰

云云言魯用天子之禮此名制二兼四則魯無臯門

應門矣王五門雉門為中門雉門設兩觀與今之宮

門同闔人幾出入者窮民蓋不得入也小宗伯職曰

右社稷左宗廟然則外朝在庫門之外臯門之內與

疏後鄭破先鄭外朝在路門外之說若外朝在路門

外中門內外朝有肺石達窮民中門既有闔人幾則

何得度中門入路門乎以此知外朝在庫門外臯門

內也大馭行以肆夏趨以采薺注行謂大寢至路

門闔

門 路門至應門司士正朝儀之位注此王日

於路門外之位 太史閏月詔王居門終月

路寢門也司農云月令十二月分在青陽明

堂 元堂左右之位惟閏月無所居居於門故於

文王在門為閏 匠人廟門容大扃七个二丈闔門

容小扃參个六尺路門不容乘車之五个大寢門五丈應

門二徹參个正門二丈廟中之門曰闔門即雜記夫

人至入自闔門是也闔門以近路寢特小為之應門

內路門外有正朝臣入應門至朝處君臣正治之所

故謂應門鄭云謂朝門也 詩縣廼立臯門臯門有

仇廼立應門應門將將注毛曰王之郭門曰臯門仇
高貌王之正門曰應門孫炎曰朝門也將將嚴正也美大王
作郭門以致臯門作正門以致應門箋云諸侯之宮
外門曰臯門朝門曰應門內有路門天子之宮加以
庫雉正義言大王本作郭門正門耳文王之興以為
臯門應門致者由小致大之辭文王因其制度增而
長之以為天子之制郭門者宮之外門正門朝門謂
之應門皆宮門也書以應門為南門爾雅曰正門
明堂位云云故以臯應為王門之
名魯以諸侯而作庫雉則諸侯無臯應衛亦有庫門
或以褒康叔也謂應門為朝門寢門一曰路門以朝

門闕

位在應門內路寢在路門內故名之檀弓魯有庫門
春秋定二年雉門及兩觀以明堂位攷之庫雉制如
臯應成王特褒之使制二兼四餘諸侯不然襄十七
年傳宋有臯門諸侯法有臯應大王自為諸侯之制
非作天子之門毛以諸侯門不
名臯應與鄭別禮記文王為世子
朝於王季日三雞初鳴而衣服至於寢門外問內豎
之御者曰今日安否何如曰安文王乃喜日中及莫
亦如之世子之記曰朝夕至于大寢之門外大寢路
寢也門
外則內
朝之地月令蔡邕王肅
云周公作季春之月田獵置罟羅罔
畢翳餽獸之藥毋出九門是月也命國難九門磔攘

注天子九門者路應雉庫臯國近郊遠郊關門也呂氏

春秋注九門三方九門也明堂位九采之國應門之外北面東

上注正門謂之應門二伯帥諸侯而入牧居外而糾

察之正義明堂更無重門非路門外之應門爾雅正

門謂之應門李巡云宮中南嚮大門應門也應當也

當朝正門宮內有路寢故應門之內有路門明堂無

路寢故無路門及以外諸門但有應門耳聘禮夕

幣于寢門外注寢門外朝也書顧命逆子釗于南

門之外注路寢門外穀梁傳僖二十一年春新二

人雀弁執惠立于畢門之內注路寢門疏天子五門

臯庫雉應路畢門或謂之康王之誥王出在應門之內畢門或謂之

西方諸侯入應門左畢公率東方諸侯入應門右文

襲命正南門周書作雉篇應門庫臺元闔嘗

麥篇王陟陛在東序乃北向繇書于內楹之門三

禮義宗明天子諸侯門數義周禮天子有九門注陽

九之義宮門有五法五行外門有四法四時合為九

門一曰關門二曰遠郊門三曰近郊門四曰國門五

曰臯門六曰庫門七曰雉門八曰應門九曰路門皆

從外而數故月令云天子九門磔攘也臯門者王宮

門也

門也

之外門臯之為言高也謂其制高顯也庫門因其近
 庫即以為名也雉門雉施也其上有觀闕以藏法故
 以施布政教為名也周禮曰乃垂治象之法於象魏
 闕也應門謂應接諸侯羣臣常在此門之內也路門
 路寢之門也周禮曰路大也人諸侯七門一曰闕門
 二曰遠郊門三曰近郊門四曰國門五曰臯門六曰
 應門七曰路門魯以周公之故雉門兼天子應門之
 制庫門兼天子臯門之制兼天子用四門明堂天子曰庫門
明魯雖得天子之禮但立三門而名制兼五門不得特
立五門以同天子也
庫門在雉門之外入庫門則至廟門之外矣
魯華曰

諸侯有臯應路門天子加庫雉然春秋魯有庫雉家
語衛有庫門或謂褒周公康叔非諸侯常制

天子諸侯朝位義天子路寢門有五其最外者曰臯
 門二曰庫門三曰雉門四曰應門五曰路門路門之
 外則路寢也寢門之內曰外朝朝有三槐左右各九
 棘近庫門有三府九寺庫門之內有宗廟社稷雉門
 之內有兩觀連門觀外有詢事之朝在宗廟社稷之
 間雉門內有百官宿衛之廨應門內曰中朝中朝東
 有九卿之室九卿治事之所 **禮象**多士傳曰古者
 百里之國三十里之遂二十里之郊九里之城三里
 之宮七十里之國二十里之遂九里之郊三里之城

一里之宮五十里之國九里之遂三里之郊一里之
城以城爲宮蓋百里之國外城九里雉門是也中城
七里庫門是也內城五里路門是也七十里之國外
城七里中城五里內城三里五十里之國外城五里
中城三里內城一里於百里之國言外城則伯子男
外城可知於七十里五十里之國言內城則公侯內
城可知一里之城以城爲宮則其宮府在中城之內
矣孟子曰三里之城七里之郭此侯伯之國也由是
言之天子外城宜十二里而匠人營國爲城九里者
蓋中城也外城臯門在焉若今南薰門矣中城雉門

在焉若今朱雀門矣內城庫門在焉若今宣德門矣
應門若今大慶殿門矣路門若今垂拱殿門矣庫門
適當臯雉應路之中謂之中門周官中門之禁蓋在
是矣鄭氏謂天子加以庫雉非是蓋諸侯之宮外門
曰雉門朝門曰庫門內有路門天子加以臯應明堂
位曰云云此以言魯王禮故制庫門以臯門之制制
雉門以應門之制則諸侯之門本無臯應矣王寢宗
廟其正門皆曰應門其內一門皆曰畢門言王於此
出而應物入而畢也春秋正義凡人君內朝二外
朝一內朝二者路門內外之朝也外朝一者庫門外

之朝也。若諸侯三門，臯應路外朝，則在應門外。魯之三門，庫雉路，則外朝在雉門外。鄭元考校禮文，以為魯制三門，庫雉路。天子諸侯皆三朝。圖宗人之嘉事，則有路寢庭朝。日出視朝，則在路門之外。其詢國危，云朝士所掌外朝之位，乃在雉門之外。曲禮正義天子之外，諸侯內屏。屏在路門之內。劉敞曰：天子諸侯皆三門，而名不同。以詩書禮春秋考之，天子有臯應畢，諸侯有庫雉路。天子外朝在臯門之外，諸侯外朝在庫門之內。天子治朝在應門之內，諸侯治朝在雉門之內。天子內朝在畢門之內，諸侯內朝在路門之內。又曰：何謂畢門畢者，趨也。

門闕

王出至於此，則趨也。師氏掌馬，何謂應門應應也？王居治朝，正天下之政，四海之內莫不敬應也。何謂臯門臯告也？王者外朝播告萬民謀大事也。楚辭君之門以九重方氏曰：天子五門，自內而出一曰路門，路大也。正寢之門，二曰應門，應和也。路門倡之，應門和之。三曰雉門，觀闕築於此。四曰庫門，器械藏於此。五曰臯門，臯緩也。近則迫，遠則緩。臯門為五門之遠者。陳氏曰：事之辭，周宮有臯舞，五門始於此，故曰臯。路為大，故曰路。路車路馬路寢路鼓皆名曰路。明堂位注：臯之言高也。朱氏曰：雉門之外垂治象，所以待民。應門之外設宗廟社稷，所以嚴神位。路門之外則九

室九卿朝焉路寢之內亦九室九嬪居焉後漢紀

明帝永平八年詔曰昔應門失守關雎刺世注春秋

說題辭曰人主不正應門失守故歌關雎以感之宋

均注曰應門聽政之處薛君韓詩章句曰人君退朝

入于私宮后妃御見有度應門擊柝鼓人上堂退反

宴處體安志明今內傾于色賢人見其萌故詠關雎

說淑女正上儀以刺時也中門守禁奇服不入嚴內治

也後漢志河南周公時所城雒邑也春秋時謂之

也帝王世紀曰東門名乾

祭唐志顏師古曰周書叙明堂有應門雉門之制

門

太微三光之庭南四星執法中端門左右掖門旁一星將位天文志

周虎門

地官師氏掌以媿詔王居虎門之左司王朝注虎門

路寢門也王日視朝於路寢門外畫虎焉以明勇猛

於守宜也司猶察也察王之視朝若有善道可行者

當前以詔王疏司士所掌路門外是常朝日所朝之

所經云司王朝故鄭以路寢門外解之師氏守中門

外保氏守王闈門冬官匠人闈門容小局參人其

凡六尺釋宮曰王元長曲水詩序入虎闈而齒

宮中之門謂之闈萬曆丁亥年

生黃金屋刊

冑注翰曰教國子之學所也李善曰蔡邕明堂月令論曰周官有門闈之學闈旁出之門也劉氏曰太保命以二千戈虎賁百人逆子釗于南門之外指虎賁而言故曰虎門齊晏平仲端委立於虎門之外漢有白虎闕神虎門

周和門 渠門見旂類 棘門

旌門 人門

大司馬中夏教芟舍帥以門名注以門名者所被徽識如其在門所植者也古者軍將蓋為營治於國門魯有東門門翼仲牛有桐門右師皆上卿為軍將者也中冬教大閱遂以狩田以旌為左右和之門羣吏各帥其車徒以

敘和出注軍門曰和今謂之壘門立兩旌以為之敘

和出用次第出和門也左右或出而左或出而右有

司平之鄉師居門正其出入之行列也正義師克在

和故曰和門漢時軍壘為門名曰壘門司馬廉殷誓於軍門之外

欲民先意以待事 漢中壘校尉掌北軍虎賁氏

守王閑注樞柅司戈盾及舍設藩盾土方氏王巡守

則植王舍 天官掌舍掌王之會同之舍設樅柅再

重杜子春謂行馬康成謂有內外列設車宮轅門兩乘車轅相向以表門

為壇壝宮棘門司農云以為帷宮設旌門土行畫止

為無宮則共人門立長大之春官司常祭祀各建

其旗會同賓客亦如之置旌門

此彼官植之

秋官脩

閭氏宿互

司農云互謂行馬以障互禁止人

殺梁傳艾蘭以為防

置旌以為轅門

許傳揭纏旃以為門

戰國策張孟談遇智過

轅門之外

以車為門而轅外向

孫子兩軍相對曰交和

軍門曰和

齊章子與秦交和而舍

漢書文帝後六年冬匈奴入上郡雲

中以河內太守周亞夫為將軍次細柳

匈奴傳云軍長安西細柳

宗正劉禮次霸上祝茲侯徐厲次棘門

孟康曰在長安北秦時宮

門也如淳曰黃圖在橫門外

匈奴傳云渭北棘門

水

經注橫門外

項羽傳羽見諸侯將入轅門

張晏曰軍行以

車為陳轅相向為門

周王城十二門

地官司門

下大夫二人上士十四中士八

掌授管鍵以

啓閉國門注司門若今城門校尉主王城十二門疏

匠人云營國方九里旁三門四面各三門是有十二

門凡歲時之門受其餘

充人凡散祭祀之牲繫于

國門使之養注國門謂城門司門之官疏司門總主

王城十二門

天官職內掌邦之賦入疏城十二門

亦有稅入

秋官士師官禁疏國城中也若王城十

二門

冬官匠人營國方九里旁三門注天子十二

門以通十二子

十二疏王城面各三門

左傳注乾祭

萬曆戊子年

三

益生袁紹

周語周秩官曰門尹除門注門尹司門也左傳
周有圍門

周象魏 兩觀 漢象魏

禮大宰正月之吉始和垂治象之灋于象魏注鄭司
農云闕也疏雉門之外兩觀 大司徒垂教象 大
司馬垂政象 大司寇垂刑象 小宰小司徒正歲
帥屬觀治象之灋教灋之象 易氏曰治之見於象
者為治象書治象之法者為象魏兩觀之垂治象者
為魏闕 左氏傳莊二十一年鄭伯享王于闕西辟
注闕象魏也正義其上垂法象魏魏高大謂之象魏

使人觀之謂之觀 定二年雉門反兩觀災冬十月

新作雉門及兩觀注雉門公宮之南門兩觀闕也釋

云闕謂之闕郭璞云宮門雙闕劉熙釋
名云闕在門兩旁中央闕然為道也 哀三年魯

司鐸火季威子御公立于象魏之外命藏象魏曰舊

章不可忘也注謂其書為象魏正義觀闕象魏其事

一也 公羊傳子家駒曰設兩觀乘大路天子之禮

也注禮天子諸侯臺門天子外闕兩觀諸侯內闕

觀正人王宮門阿之制五雉疏天子諸侯臺門大夫

國語管仲曰先王世法文武設象以為民紀

注韋昭曰設象者設教象於象魏也 禮運仲尼出

游觀之上注象魏舊章之象莊子魏牟身在江海之上心居魏闕之下列女傳衛靈公聞車聲轉轉

至闕而止過闕復有聲夫人曰此蘧伯玉也漢書

武帝策董仲舒曰周室設兩觀文選陸倕曰象闕

之制其來已遠春秋設舊章之教經禮垂布憲之文

戴記顯遊觀之言周史書植闕之夢注周書曰太

庭之梓植於闕北荒明月西極流精海岳黃金河庭

紫貝蒼龍元武之制銅爵鐵鳳之工或以聽窮省窻

或以布治垂法表正王居光崇帝里揚雄甘泉賦

前燔闕後應門注晉灼曰赤色之闕應門正在燔闕

之文

張衡東京賦建象魏之兩觀旌六典之舊

顏真卿有象魏賦

周闕門 皇門

周書皇門篇第四十九維正月庚午周公格于左闕

門會羣臣序周公會羣臣于闕門以輔主之格言作

皇門注路寢左曰皇門維其有大門宗子勢臣茂

揚肅德訖亦有孚以助厥辟勤王國王家方求論擇

元聖武夫蓋于王所其善臣以至十有分私子苟克

有常罔不允通咸獻言在于王所人斯是助玉萊明

衣敷明刑王用有監明憲正命用克和有成用能承

卷之

卷之

天譴命人斯既助厥勤勞王家先人神祇報職用休
俾嗣在厥家王國用寧咸祀天神王用奄有四鄰遠
土丕承萬子孫用永被先王之靈光

周明堂四門

家語觀周篇孔子觀乎明堂觀四門墉有堯舜之容
桀紂之象而各有善惡之狀興廢之誠又有周公相
成王抱之負斧扆南面以朝諸侯之圖孔子曰此周
所以盛也明鏡所以察形往古所以知今 玉藻朝
日東門之外聽朔南門之外注謂國門明門閏月則闕
門左扉立于其中注明堂 皇氏曰明堂有四門

明堂位注正門謂之應門正義明堂無重門非路門
外之應門

魯三門

春秋正義定二年夏五月雉門及兩觀災則兩觀在

雉門外也禮運仲丘與於蜡賓事畢出遊於觀上蜡

祭在廟故出祭而遊於觀也鄭元考校禮文以為魯

制三門庫雉路庫者府庫所在也雉者治朝所在也

紙故曰有雉之天子諸侯皆三朝圖宗人之嘉事則有

路寢庭朝日出視朝則在路門之外其詢國危國遷

立君周禮朝士所掌外朝之位者乃在雉門之外耳

雉門之外左有亳社哀社右有周社間于兩社是
 在兩社之間朝廷詢謀大事在此處是執政之所在
 也周禮閹人疏魯有三門雉門有兩觀為中門
 明堂位庫門天子臯門雉門天子應門注天子五門
 皇庫雉應路魯有庫雉路則諸侯三門與檀弓魯
 有庫門衛亦有庫門家語郊特性郊之祭獻命庫
 門之外或百官也穀梁傳主王姬者必自公門出
 注公門朝之外門
 大司徒居岐周為殷諸侯立臯門應門禮宰夫執
 以令于宮自寢門至于庫門

魯四門

春秋僖二年春新作南門左傳書不時也正義本名
 稷門今新脩令高大改名高門魯人相傳云然魯城
 南面三門隱公元年開一門故今南有四門僖公復
 繕治稷門荀子哀公篇孔子曰君出魯之四門以
 望四郊春秋說題辭曰魯端門
 魯城十二門

春秋魯城凡有十二門其北名上東門左傳定公八
 年公斂處父帥邾人自上東門入是也西五門一曰
 鹿門臧紇斬鹿門以出是也三曰稷門即圉人榮能

萬曆丁亥年
 生黃金至

投蓋於稷門南曰雩門左傳自雩門出蒙臯比而先犯之是也春秋時魯國都又有萊門子駒之門公羊傳有爭門吏門論語石門注魯城外門也

漢公車 司馬門

百官表衛尉秦官掌宮門衛屯兵有丞景帝初更名

中大夫令後元年復為衛尉師古曰漢舊儀云衛尉寺在宮內胡廣曰王宮

闕之門內衛士于周垣下為區廬若今丈宿屋屬官有公車司馬衛士旅賁

三令丞注師古曰漢官儀云公車司馬掌殿司馬門

夜徵宮中天下上事及闕下凡徵召皆總領之令秩

六百石聘賢才違章奏張釋紀高帝七年二月

蕭何造未央宮立東闕北闕注未央宮殿雖南面而

門闕

上書奏事謁見之徒皆詣北闕公車司馬在焉秦長

請事咸陽留司馬門三日不見周禮宮正幾其出入鄭司農注若今時無引籍不得入宮司馬殿門

漢宮殿門每門皆使司馬一人守門比千石皆號司馬殿門元帝初元五年四

月令從官給事官司馬中者得為大父母兄弟通籍

注應劭曰宮內門也師古曰宮之外門也衛尉有八

屯衛候司馬主衛士徵循宿衛每面各二司馬故謂

宮外門為司馬門成帝建始三年十二月舉賢良

方正能直言極諫之士詣公車又末始二年舉淳

始四年四月未央宮東司馬門災師古曰東面之司

面皆有司馬門平帝元始二年秋舉勇武有節明兵法郡

萬曆丁亥年 監生黃金臣刊

一人詣公車。黃圖未央長樂甘泉宮四面皆有公

車。公車主受章疏之所。司馬門。凡言司馬門者。宮垣

之內。兵衛所在。四面皆有司馬門。武事。故謂宮之外

門為司馬門。史記索隱天子有兵欄曰司馬門。按漢宮衛令。諸出入

殿門。公車司馬皆下。不如令。罰金四兩。列傳張釋

之為公車令。太子與梁王共車入朝。不下司馬門。釋

之。劾不下公門不敬。賈誼書。天子宮門曰司馬門。

東方朔上書。令待詔公車。史記東方朔至公車上書凡用三千奏牘公車

令兩人共持舉其書。武帝置酒宣室。使謁者引見董君。朔陞戟

殿下。辟戟而前曰。云云。上更置酒北宮。引董君從東

門闕

司馬門入司馬門更名東交門。注以偃從此入門交會於內。朱

買臣詣闕上書。久不報。待詔公車。又東郭先生待詔公車。車

千秋召中二千石博士會公車門。議問法。雋不疑

暴勝之薦。詣公車拜青州刺史。後為京兆尹。始元五

年有男子詣北闕。自謂衛太子公車。以聞。不疑叱從

吏收縛。注師古曰。公車主受章奏者。丙吉為丞相

馭吏。嘗出見驛吏。持赤白囊。邊郡發奔命書。馭吏至

公車刺取。劉向云。章交公車。谷永建始三年舉

直言對策。待詔公車。息夫躬。云云。哀帝詔舉明兵

法。有大慮各一人。將軍二人。詣公車。孔光元壽元

年正月召詣公車問日食事又元始元年日食譙元詣公車對策拜議郎

公孫弘子度為山陽太守詔召鉅野令史成詣公

車不遣坐論為城旦元始中詔召公孫弘子孫為後者詣公車師丹召

詣公車西域傳武帝詔曰公車方士以為吉五

行志公車大誰卒注主問非常之人因以名官有大

誰長石顯詣張猛令自殺公車後紀光武建武七年四月壬午

舉賢良方正遣詣公車注公車門名公車所在因以名焉章帝建

初五年二月庚辰朔舉直言極諫遣詣公車和帝

永元六年三月丙寅舉賢良直言遣詣公車靈帝

中平元年三月壬子詔舉列將子及史氏有明戰陳

之略者詣公車後傳趙熹光武引見賜鞍馬待詔

公車魯恭舉直言待詔公車拜中牟令尹敏建

武二年待詔公車拜郎中第五倫為會稽太守永

平五年坐法吏民上書守闕是時顯宗方案梁松事

亦多為松訟者帝詔公車諸為梁氏及會稽太守上

書者勿復受樊準上疏曰宜下明詔如趙孝承宮

者召詣公車承宮永平中拜博士淳于恭肅宗除

議郎崔寔威帝初對策馬融舉淳樸對策皆詣公車

楊秉賜彪黃瓊楊厚荀爽左雄張衡李充杜根皇

甫規鄭均戴封周勰橋元汝郁侯瑾等皆公車召安帝

臨政之初公車禮聘馬良周燮等

鄭元公車再召 薛包建光中

种岱威帝時公車特召 董扶公車三召 毛義明

帝時鄭太靈帝時公車召不就 王符愛日篇明帝

時公車以反支日不受章奏帝曰民廢農桑遠來詣

闕而復拘以禁忌豈為政之意乎遂蠲其制 丁鴻

稟食公車 寒朗永初二年薦為博士召詣公車

郎顛陽嘉二年正月公車召乃詣闕拜章書奏帝復

使對尚書條便宜七事 蘇不韋召詣公車 樊英

建光元年詔公車賜策書召英等六人唯郎宗楊倫

到洛陽永建四年三月為英設壇帝令公車令導尚

書奉引賜几杖待以師傅禮 郎宗詣公車對策陳

災異 楊雄校獵賦虎路三變以為司馬圍經百里

而為殿門注應劭曰外門為司馬門殿門在內也

列女傳鍾離春詣齊司馬門

漢未央東北闕 蒼龍元武闕 詳見未

央宮

高紀七年二月史記云八年蕭何造未央宮立東闕北闕

注師古曰未央殿雖南嚮而上書奏事謁見皆詣北

闕公車司馬亦在焉是則以北闕為正門而又有東

門東闕西南兩面無門闕蓋厭勝之術蕭子良云署書漢高六年

蕭何所定以題蒼龍白虎史記注駟案關中記曰未

二關白虎當為西關央宮東有蒼龍關北有元武關又三輔舊事廟記曰未火有白虎關屬

車關索隱曰東關名蒼龍北關名元武秦舊官皆在渭

北立東北關取其便也文紀七年六月癸酉未央

宮東闕累憊災西京賦北闕甲第水經注未央

宮東有倉龍闕闕內有閭闔止車諸門西京賦表曉

紫微宮門名曰閭闔宮門立闕為北有元武闕即北

闕也後官志蒼龍司馬主東門注雒陽宮門名為

蒼龍闕門蔡質漢儀司徒府與蒼龍闕對見後

紀中平三年注鑄銅人列於倉龍元武闕外宜者傳注

門闕

元武西都賦植中天之華闕文選注李尤闕銘

口悉理聽省乃無窮寃

秦築冀闕於咸陽萬石君過宮門闕必下車趨

漢長安十二門城門候

西都賦漢之西都在於雍州實曰長安建金城之萬

雉呀呀池而成淵披三條之廣路立十二之通門東

平清明霸南覆益安西安內則街衢洞達閭閻且千

九市開場貨別隧分漢宮殿名長安有宣平覆益萬

義仁壽磧石門西京賦城郭之制旁開三門參塗

夷庭方軌十二街衢相經廛里端直薨宇齊平注一

萬曆十六年

玉海卷百六十九

生刻一化刊

面三門門三道塗容四軌周禮曰營國方三門百

官表城門校尉掌京師城門屯兵征和二年初有司

馬十二城門候師古曰門各有候蕭望之小苑東門

黃圖又水經注長安城東出南頭第一門霸城門民見

門色青名曰青城門或曰青門召平種瓜青門外廟

記亦曰青綺門水經注第三霸門莽更曰仁壽門無疆亭

東出第二門曰清明門一曰籍田門以門內有籍田

倉一曰凱門漢宮殿疏第二門名城東門莽更曰宣

德門布恩亭東出北頭第一門曰宣平門民間謂東

都門建昭元年秋八月有白蛾羣飛蔽日從東都門

門關

至枳道如淳注引黃圖長安城東面北頭門曰宣平

日食軍東疏廣受乞骸歸公卿大夫為設祖道供帳

東都門外即此門也其郭門亦曰東郭即逢萌掛冠

處也昌邑王傳且至廣明東都門龔遂曰此長安東

賦淺宣平莽更名春王門正月亭翟義傳有春王東

都門至外郭亭十三里水經注有南出東頭第一門

曰覆盜門一號杜門廟記曰與洛門相去十三里二

百十步有魯班輸所造橋其南有下杜城故曰下杜

門又曰端門北對長樂宮莽更名未清門水經注長

茂亭南出第二門曰安門亦曰鼎路門北對武庫莽

萬曆丁亥年
監生黃金屋刊

更名光禮門顯樂亭南出第三門曰西安門北對赤
央宮一曰便門即平門也古者平便同字水經注本

建元三年初作便門橋注北面西頭門薛廣德傳

南頭第一門曰章城門漢宮殿疏同三輔舊事章門

亦曰光畢門又曰便門元延元年章城門牡自亡谷

亦對曰章城門通路寢之路莽改曰萬秋門億年亭

西出南頭第二門曰直城門亦曰直門宮殿疏亦曰

龍樓門門上有銅龍成紀召太子出龍樓門不敢絕馳道西至直城門莽更

曰直道門端路亭西出北頭第一門曰雍門本名西

門關

門關

城門其水北入有函里民名曰函里門水經注西出

名西城門亦曰雍門民名曰函里門又曰光莽改曰

章義門著誼亭北出東頭第一門曰洛城門又曰高

門宮殿疏又名鸛雀臺門外有漢武承露盤在臺上

水經注第三門本名杜門亦曰利城門莽更名進和

門臨水亭北第二門曰厨城門長安厨在門內因為

門名後漢注洛城門其內有長安厨俗名厨城門

中門一曰高門霍光傳注北出莽更名建子門廣世

亭北出西頭第一門曰橫門門外有橋曰橫橋成紀

小女走入橫城門注如淳曰橫音光史記曰橫城

門史記正義秦興樂宮北門對橫橋元鳳四年

萬曆丁亥年

三每長百五十九

監生黃金屋刊

封鄴善百官送至橫門外莽更曰朔都門左幽亭其外郭有都門

亥門之蕃落也長安城北門曰北落門以象此也漢城門

皆有候掌候時謹啓閉也三輔決錄長安面三門四

面十二門皆通達九道以相經緯三塗洞闕隱以金

椎周以林木左右出入為往來之徑行者升降有上

下之別水經注諸門皆通班固西都賦見上又張衡

西京賦見上是也周禮司門注若今城門校尉主

三城十二門疏舉漢法况之續志注漢舊儀曰長

安城方十三里經緯各長十五里十二城門

漢端門掖門

門闕

天文志太微南四星執法中端門左右掖門注端門

太微正南門周勃傳皇帝入未央宮有謁者十人

持戟衛端門師古曰殿曰天子在也足下何為者不

得入太尉往諭廼去皇帝遂入燕王曰傳鼠舞殿

端門中注師古曰端門正門也黃圖秦營宮殿端

門四達周禮太僕大寢門外注內朝之中如今宮

殿端門下後禮儀志冬夏至太史令八能士坐于

端門左塾百官志注元嘉二年大將軍冀朝到端

門若龍門謁者將引馬融傳召詣對策注對策於

北宮端門左雄傳孝廉先詣公府副之端門練其

虞實 **西都賦**立金人於端闈注正門也 **東京賦**

啓南端之特闈立應門之將將注李善曰洛陽宮舍

記曰洛陽有端門薛綜曰端門南方正門應門中門

也 **洛陽宮名**有南端門東西南北掖門 **呂后紀**

劉章從勃請卒千人入未央宮掖門注非正門而在

兩旁若人之臂掖 郎中令掌宮殿掖門戶應劭云漢制內至禁省為殿門外至大道為掖

門 **成帝紀**尚方掖門 **楊惲傳**高昌侯車犇入北

掖門 **儀禮注**闈門如今東西掖門 **魯班門**

漢金馬門 又謂之黃門 **魯班門** **列傳**公孫弘元光五年對策天子擢為第一拜為博

士待詔金馬門 敘傳平津斤注如淳曰武帝時相馬

者東門京鑄作銅馬法獻之 見馬立於魯班門外更

名魯班門為金馬門 史記金馬門宦者署門 **東方**

朔待詔公車上使待詔金馬門稍親近 史記東方朔避世金馬

門 **主父偃**嚴安徐樂皆待詔金馬門 **霍光**出昌

邑羣臣置金馬門外 **王褒**宣帝修武帝故事益召

高才劉向張子僑華龍柳褒等待詔金馬門上欲興

協律之事王褒作中和樂職宣布詩 **賈捐之**元帝

時言得失待詔金馬門 **周堪**白令鄭朋待詔金馬

門 **楊雄**解嘲歷金門 **公孫創業**於金馬 **張湯**贊

萬曆十六年

二五

二五

監生張紹燦

注班固目錄成帝時馮商待詔金馬門受詔續太史公十餘篇

又作膠蒼

執文志武帝時有待詔金馬聊蒼三篇

象立於署門因以為名

後漢南宮亦有金馬門宦者署

兩都賦序

武宣之世內設金馬石渠之舍

西京賦蘭臺金馬

遮宿迭居

文選金閨諸彥蘭臺羣英注金閨金馬

門也

華嶠書曰明帝至長安取飛廉并銅馬置上

西門平樂觀故張平子東京賦曰平樂都場天馬半

漢陸機洛陽記云金馬門外聚羣賢銅駝陌上集

少年又云有銅駝二枚在宮之南四會道

顏師古亦云銅駝街

在雒陽西京無也

郡國志

荆城慕容儁鑄銅馬於門側謂

曰銅馬門

龍樓門有銅龍栢梁臺有銅柱上林有飛廉觀建章有鳳闕

漢長樂宮東闕

西闕

見宮類

漢丞相蕭何自題蒼龍白虎二闕

漢建章鳳闕

璧門

詳見建章宮

羽獵賦序

營建章鳳闕神明馭姿窮妙極麗

三輔故事云其

闕園土有銅鳳皇

漢

關中記

鳳闕一名別風闕

折風言別四方閭闔之內別風嶢嶢是也

楊震古語云俗謂鳳

鳳闕為玉女樓

黃圖建章宮南有玉堂壁門三層臺高三尺飾黃金樓屋上下有轉樞向風若翔椽首薄以璧玉因曰壁門。魏繁欽建章鳳闕賦上規園以穹窿下矩折而繩直象元圃之層樓肖華蓋之麗天抗神鳳以甄薨似虞廷之鏘鏘序云秦漢規模泯毀惟建章鳳闕聳然獨存雖非象魏之制亦一代之巨觀。

水經注黃圖曰鳳闕高七丈五尺。文選注魏文帝

歌曰長安城西有雙圓闕上有雙銅爵一鳴五穀生

再鳴五穀熟。關中記建章宮圓闕臨北道鳳在上閭闔門內東出有折風闕一名別風

宮闕

史記正義三秦記云栢梁臺有銅鳳因名鳳闕

漢便門

武紀建元三年初作便門橋注師古曰便門長安城北面西頭第一門即平門也作橋渡渭水以趨茂陵即今便橋。水經注西出南頭第一門名章門又名便門。與顏注異元和志在長安西門。

漢長門 延壽門

東方朔傳竇太主獻長門園更名長門宮注如淳曰長門在長安城東南。外戚傳上林有延壽門。

漢橫門

戾太子傳焚蘇文於橫橋上注孟康曰橫音光師古曰即橫門渭橋也西域傳元鳳四年封尉屠耆為鄯善王丞相將軍百官送至黃門外祖而遣之紀建始三年小女陳持弓走入橫門闌入尚方掖門注橫音光黃圖北面西頭第一門掖門在兩旁如人臂掖

漢龍樓門 直城門 作室門 堯母門

成紀為太子好經書寬博謹慎初作桂宮桂宮在城居近北

上嘗急召太子出龍樓門門樓上有銅龍若白鶴飛

龍不敢絕馳道西至直城門得絕乃度還入作室

門上遲之問其故以狀對上大悅乃著令太子得絕

馳道云長安城西出第二曰直城門宮殿疏趙徒

仔傳居鉤弋宮太始三年生昭帝任身十四月廼生

上曰聞堯十四月而生廼命所生門曰堯母門見宮類

漢應門

班婕妤賦應門閉兮禁闥扃注師古曰正門謂之應

門楊雄甘泉賦前燹闕後應門

漢開陽門詳見下段

百官志雒陽城十二門注應劭漢官曰開陽門始成未

有名宿昔有一柱來在樓上琅邪開陽縣上言縣南

城門一柱飛去光武使人識視悵然遂堅縛之刻記其年月因以名焉

漢雒陽十二門 城門候

百官志城門校尉一人秩比二千石掌雒陽城門十二所司馬一人千石主兵車一作城門每門候一人六

百石十二門各有銘李尤作漢官儀曰十二門皆有亭其正南一門曰平城

門午漢官秩曰平城門為宮北宮門屬衛尉其餘

上西門戌應劭漢官曰上西不純白丹鏤之雍門酉廣陽門津門

未小苑門午開陽門巳耗門辰中東門卯上東門寅

殺門子夏門亥凡十二門注引李尤銘位在十二辰前志開陽縣屬東海郡當

門闕

日召賜食諸門候奪奉開陽門秦彭羊迪見李夏

城門岑尊見鮑永傳注城門候吏六百石穀城門劉洪津城門張甫

子奮又有城門令史

漢宮掖七門

百官志衛尉卿掌宮門衛士宮中徼巡事宮掖門每

門司馬一人秩比千石南宮南屯司馬主平城門古

注建武十三蒼龍司馬主東門雒陽宮閣名元武司

馬主元武門班固嘗為之北屯司馬主北門北宮朱爵司

馬主南掖門古今注永平二年十一月東明司馬主

東門朔平司馬主北門凡七門漢官載負吏共四十一人衛士共六百三

萬曆丁亥年

監生黃金屋刊

十九人古今注中載凡居宮中者皆有門籍於門二門其餘日月皆靡記之所屬宮名門兩字為鐵印文符案省符乃納之符用木長二寸頌紀帝即位使屯南比宮諸門

漢橋門

見學校類 官儀曰辟雍四門外有水節觀者門外皆有橋觀者水外故云園橋門也園繞也

漢建禮門

漢典職尚書郎主作文書起草晝夜更直於建禮門內見文選注蔡質漢官儀宮北朱雀門至止車門內崇賢門內建禮門 文選任昉序曰出入禮闈注李善

門關

日召賜食諸門候奪奉 開陽門秦彭羊迪見李周傳城門岑尊見鮑永傳注城門劉洪津城門張南子奮又有城門令史

漢宮掖七門

百官志衛尉卿掌宮門衛士宮中徼巡事宮掖門每門司馬一人秩比千石南宮南屯司馬主平城門古注馬主南掖門班固嘗為之北屯司馬主北門北宮朱爵司馬主元武門雜陽宮閣名元武司馬主南掖門古今注永平二年十一月東明司馬主東門初作北宮朱爵南司馬門漢官載負吏共四十一人萬曆丁亥年監生黃金厚刊

十九人古今江中載凡居宮中者皆有門籍於門二門其餘日月皆靡記之所屬宮名門兩字為鐵印文符案省符乃納之符木長二寸頤紀帝即位使屯商比宮諸門

漢橋門

見學校類 官儀曰辟雍四門外有水節觀者門外皆有橋觀者水外故云園橋門也園繞也

漢建禮門

漢典職尚書郎主作文書起草晝夜更直於建禮門內見文選注蔡質漢官儀宮北朱雀門至止車門內崇

賢門內建禮門 文選任昉序曰出入禮闈注李善

門闕

曰十州記曰崇禮闈即尚書上省門崇禮東建禮門即尚書下省門一作下舍門二門名禮故曰禮闈蜀都賦宣化之闈崇禮之闈華闕雙邈重門洞開金鋪交映玉題相輝

漢雲龍門

九龍門

嘉德門

金商門

崇賢門

鴻都門

班固典引序臣固永平十七年與賈逵傅毅杜矩展

隆郝萌等召詣雲龍門德陽殿東門也東門稱雲龍西門稱神虎小黃門

趙宣持秦始皇本紀問臣等曰太史遷贊語寧有非

邪 東都賦春王三朝供帳置于雲龍之庭注洛陽

萬曆丁亥年

監生黃金屋刊

宮舍記有雲龍門

東京賦啓南端之特闈

注洛陽宮舍記

日洛陽有端門立應門之將將昭仁惠於崇賢

東抗義聲於

金商西飛雲龍於春路東屯神虎於秋方

西殿簿北宮

有雲龍門神虎門漢書曰東蒼龍西白虎

戴前殿

延之記曰端門東有崇賢門次外有雲龍門

水經

雲臺和歡安福諺門此榭

注諺門水室門也

諺臺臨照臺諺門即宣陽門也門內有宣陽水室

邪阻城洫九龍之內寔曰

嘉德西南其戶匪雕匪刻

注九龍本周時殿名門上

繞故曰九龍嘉德殿在九龍門內

漢宮殿疏洛陽有泰夏一作閭

闔西華萬春蒼龍千秋

長秋一作景福永巷丙舍鴻都金

華不老童臺濯龍定鼎

周鼎所從入之門蔡質漢官儀

北宮朱雀門內崇賢門建禮門

洛陽宮名洛陽有

飛龍一作

含章建禮廣懷明禮司馬閭闔

南止車東西止車西華雲龍神虎東掖西掖子

秋南端金鎬神仙敬法却非含德司馬北關元武南

掖北掖九龍奉春一作興青璪金商宜春一作之門

列傳曹褒章和元年召詣嘉德門

班固為元武司

馬注主元武門志掖門掖門司

來歷要結光祿

動殺諷等十餘人俱詣鴻都門證太子無過楊賜

光緒元年引入金商門問祥異注太極殿西有金商

門之蔡邕光緒元年七月詔

召邕及楊賜等詣金商門引入崇德殿就問災異
官者博靈帝引諸生能為文賦尺牘工書鳥篆者待
制鳴都門下朱紉類

文中子世家王隆隋開皇初以國子博士待詔雲龍
門

漢靈臺十二門

覽前 章帝作詩

漢濯龍門

袁宏漢紀建初二年有司奏封諸舅太后詔曰前過
濯龍門上見外家問起居者車如流水馬如游龍

德馬后紀同

漢宮殿名洛陽有濯龍門

漢國門

馮緄傳詔策曰已命有司祖于國門

祭法云天子祭七祀有國門

漢青瑣門

漢舊儀黃門郎屬黃門令日暮入對青瑣門拜名曰

夕郎 宮閣簿青瑣門在南宮漢書赤壁青瑣 西

尤德陽殿賦青瑣禁門 楚辭注文如連瑣 前書

音義以青畫戶邊樓中 車服志禁門曰黃闥以中

日黃門令 洛陽宮名有青瑣門 王允傳呂布駐
馬青瑣門外

萬曆十六年

監生袁紹

漢成都十八門

臧宮傳宮乘兵入小維郭門歷成都城下注張載注

蜀都賦云漢武帝元鼎三年立成都郭十八門小維

郭門蓋其數焉亦見郭國志注公孫述傳臧宮軍至咸門

成都北南有二門其西者名咸門成都志楊雄

作成都城四隅銘揚雄蜀都賦都門二九四百餘

閭左太冲蜀都賦金城石郭兼市中區既麗且崇

實號成都闢二九之通門畫方軌之廣塗華闕雙邈

重門洞開金鋪交映玉題相輝亞以少城接乎其西

市鄴所會萬商之淵

漢通德門

鄭康成傳北海高密人國相孔融深敬之告高密令

為康成特立一鄉曰齊置士鄉越有君子軍皆異賢

之意又謂公者仁義之正號不必三事大夫今鄭公

鄉可廣開門衢令容高車駟曰通德門碑名

漢仁壽閣

東觀記詔馬嚴留仁壽閣與校書杜撫班固定漢武

注記

漢朱雉閣

水經注漢官典職曰偃師去洛四十五里望朱雉閣

其上海百六九
其上海百六九
其上鬱然與天連洛陽故官名有朱雀白虎蒼龍闕
北闕南宮闕也東觀記北闕鐵柱門即斯闕也今闕
闕門外夾建巨闕以應天宿闕前水南道右置登聞
鼓以納諫

魏鄴城七門

水經注魏武封於鄴為北宮宮有文昌殿城之西北
有三臺皆因城為之基城有七門南曰鳳陽門東曰
中陽門次曰廣陽門東曰建春門北曰廣德門次曰
廣門西曰金明明門一曰白門鳳陽門三臺洞開高三
十五丈

魏承明門

又見洛陽宮

陵霄閣

正黃初元年十二月初營洛陽宮戊午幸洛陽注帝
居北宮以建始殿朝羣臣門曰承明陳思王植詩曰
謁帝承明廬是也至明帝時始於漢南宮崇德殿處
起太極昭陽諸殿一高堂隆傳陵霄閣始建有鸞巢
其上帝以問隆一文選曹子建詩謁帝承明廬注陸
機洛陽記曰承明門後宮出入之門帝常拄謁帝承明
廬問張公云魏明帝作建始殿朝會皆由承明門
晉宮閣名洛陽有承明門魏揚脩許昌宮賦置天
臺於辰角列執法於西南葉蒼葦章之兩觀長廊之

步欄

魏肅成門

魏書文昂在東宮於肅成門集諸儒講論大義

魏建陽門 金光門

文選景福殿賦開建陽則朱炎豔啓金光則清風凜

注建陽門在東金光在西韋仲將景福殿賦昭剛義

於金光崇柔惠於建陽缺器曰新閣作

晉宮閣名詳昌宮有崇禮門

魏大夏門

文選注陸機洛陽記曰大夏門魏明帝所造有三層

門

高百尺 丹陽記漢夏門魏加曰大夏 河南郡境

界薄曰洛陽縣東城第一建春門

晉承華門

文選陸機詩閭闔既闢承華再建遵彼承華託身承

華側注陸機洛陽記太子宫在太宮東薄室門外中

有承華門

武帝故事上林有承華殿 漢太僕屬有承華監長

丞 順帝置承華殿

晉宣陽門

禮志江左不復晨賀夜漏未盡十刻開宣陽門平日

禮志江左不復晨賀夜漏未盡十刻開宣陽門平日

始開殿門晝涌上五刻皇帝乃出

晉宗陽闔 魏閭闔門

晉宮闔名洛陽宮有宗陽闔延明通明脩雲通福徽

音承休元明元暉崇禮白藏闔 初學記有後魏温

子升一作閭闔門上梁祝文 水經注廣莫門漢之

穀門也建春門即上東門也閭闔門漢之上西門也

漢宮記曰上西門所以不純白者漢家厄於戌故以

卅鏤之南直千秋門右宮門也又一水自千秋門南

流逕神虎門下東對雲龍門又南逕通門掖門魏明

帝上法太極於洛陽南宮起太極殿于漢崇德殿之

故處改雉門為閭闔門昔在漢世洛陽宮殿門題多

是大篆言是蔡邕諸子魏南宮旁題多是梁鵠筆南

宮既建明帝令韋誕以古篆書之魏略曰青龍二年

築閭闔諸門闕外不愚明帝置銅駝諸獵於閭闔南

街南出逕西陽門漢之西明門也平昌門故平門也

清陽門故清明門東陽門故中東門 晉宮闔宮洛

陽城闔闔門 晉紀咸康元年四月癸丑帝觀兵于

廣莫門分命諸將

梁東西中華門

隋志梁元會廷尉三官與建康三官皆法冠元夜朝

服以監東西中華門

梁石闕

南史天監七年正月戊戌作神龍仁獸闕於端門大
司馬門外 文選陸倕石闕銘序曰晉假天闕於牛
頭大興中王導出宣陽門南望宋記遠圖於博望
峽 此峽雙闕梁有欺耳目無補憲章乃命審曲直之官
選明中之士陳圭置臬瞻星揆地趨以表敬觀而知
法物覩雙碣之容民識百里之典銘曰布教方顯浹
日初輝色法上圓制模下矩前賓四會却背九房北
通二轍南湊五方 梁典鑄石為闕窮極壯麗奇禽

異羽莫不畢備

漢地理志東海郡胸縣秦始皇立石海上以為東門
闕

梁南闕

袁峻傳武帝雅好辭賦獻文章於南闕者相望奉敕
與陸倕各製新闕銘
隋禮志梁天監三年何佟之議案禮國門在臯門外
今之籬門是也

後周露門

周書武帝建德二年正月壬戌朝群臣露門 武帝

平齊幸熊安生第拜露門博士 保定中置露門學
沈重於露門館講論語 劉臻明克遜為露門學
士 武成二年十二月改作路門應門

玉海卷一百六十九終

